



Broj: 13-11-4-11940/24  
Sarajevo, 12.02.2025. godine

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinska načelnica donosi

## ODLUKU o izboru najpovoljnijeg ponuđača

### I

Za najpovoljnijeg ponuđača za javnu nabavku radova „Sanacija pješačkih staza i trotoara“, po provedenom postupku javne nabavke putem otvorenog postupka javne nabavke izabran je slijedeći ponuđač:

**BUCOMERC d.o.o. Kiseljak**  
**sa ukupnom cijenom od 272.610,00 KM**  
(dvijestotinesedamdesetdvijehiljadešeststotinadeset i 00/100 konvertibilnih maraka) sa PDV-om

### II

Za izvršenje ove Odluke zadužuje se Služba za komunalne i stambene poslove i saobraćaj.

### III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

Ukoliko je ponuđač u sklopu svoje ponude dostavio originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, iste nije dužan ponovno dostavljati.

### IV

Odluka o izboru najpovoljnijeg ponuđača objavit će se na web stranici [www.novosarajevo.ba](http://www.novosarajevo.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

## Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinske načelnice broj: 13-11-4-11940/24 od 27.12.2024. godine.

Procijenjena vrijednost javne nabavke sa PDV-om je: 370.000,00 KM (slovima: tristotinesedamdesethiljada i 00/100 konvertibilnih maraka).

Obavještenje o javnoj nabavci broj: 935-1-3-6-3-14/25 objavljeno je na Portalu javnih nabavki dana 10.01.2025. godine.

Komisija za javnu nabavku roba, radova i usluga imenovana je Rješenjem Općinske načelnice broj: 01-11-4-1272/25 od 06.02.2025. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da su do dana 30.01.2025. godine, pristigle ponude slijedećih ponuđača:

Red. Br.	Naziv i sjedište ponuđača	Ukupna ponuđena cijena sa PDV-om
1.	AME d.o.o. Breza	369.620,55 KM
2.	BUCOMERC d.o.o. Kiseljak	369.971,55 KM
3.	DINALSA d.o.o. Sarajevo	363.285,00 KM
4.	ADO-TRANS d.o.o. Visoko	368.813,25 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala slijedeće:

Ponude ponuđača AME d.o.o. Breza, BUCOMERC d.o.o. Kiseljak i DINALSA d.o.o. Sarajevo su **prihvatljive** jer ispunjavaju kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Ponudu ponuđača ADO-TRANS d.o.o. Visoko Komisija je ocijenila kao **neprihvatljivu** iz sljedećih razloga:

Tenderskom dokumentacijom u tački 7.4.1. b) u pogledu tehničke i profesionalne sposobnosti zahtijevano je da ponuđač u skladu sa članom 109. stav (8) Zakona o prostornom uređenju Kantona Sarajevo („Službene novine Kantona Sarajevo“, br. 24/17 i 1/18) ima u stalnom radnom odnosu sa punim radnim vremenom (ili će angažovati za potrebe realizacije ugovora), najmanje 1 (jednog) diplomiranog inženjera građevinske struke sa najmanje 5 (pet) godina radnog iskustva i položenim stručnim ispitom, koji će obavljati poslove voditelja radova, a koji će biti imenovan Izjavom ponuđača (**Dokument 5**) uz koju je potrebno dostaviti ovjerenu kopiju diplome (ili nostrificirane diplome, ukoliko diploma nije stečena na visokoškolskoj ustanovi u Bosni i Hercegovini ili je diploma stečena u nekoj drugoj državi nastaloj raspadom SFRJ, nakon 06.04.1992. godine) i uvjerenje o položnom stručnom ispitu iz navedene oblasti za imenovano lice koje će obavljati poslove voditelja radova (**Dokumenti 6 i 7**).

Ponuđač je cilju dokazivanja tehničke i profesionalne sposobnosti dostavio Izjavu ponuđača da ima u stalnom radnom odnosu sa punim radnim vremenom (ili će angažovati za potrebe realizacije ugovora), najmanje 1 (jednog) diplomiranog inženjera građevinske struke sa najmanje 5 (pet) godina radnog iskustva i položenim stručnim ispitom, kojom je imenovao gosp. Ahmeta Frljaka kao lice koje će obavljati poslove voditelja radova.

U napomeni Izjave navedeno je da će uz istu dostaviti ovjerenu kopiju diplome (ili nostrificirane diplome, ukoliko diploma nije stečena na visokoškolskoj ustanovi u Bosni i Hercegovini ili je diploma stečena u nekoj drugoj državi nastaloj raspadom SFRJ, nakon 06.04.1992. godine) i uvjerenje o položnom stručnom ispitu iz navedene oblasti za imenovano lice koje će obavljati poslove voditelja radova.

Ponuđač ADO-TRANS d.o.o. Visoko je dostavio dokaze o ispunjavanju navedenih uslova za Azru Goraliju, kao diplomiranog inženjera građevinske struke.

Samim time nisu dostavljeni dokazi Dokument 6 i 7 za lice koje je sam ponuđač imenovao u Izjavi (Dokument 5) kao lice koje će obavljati poslove voditelja radova.

Iz naprijed navedenih razloga, ponuda ponuđača ADO-TRANS d.o.o. Visoko se nije mogla uzeti u dalje razmatranje.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Red. Br.	Naziv i sjedište ponuđača	Ukupna ponudena cijena sa PDV-om
1.	DINALSA d.o.o. Sarajevo	363.285,00 KM
2.	AME d.o.o. Breza	369.620,55 KM
3.	BUCOMERC d.o.o. Kiseljak	369.971,55 KM

Ponude ponuđača DINALSA d.o.o. Sarajevo, AME d.o.o. Breza i BUCOMERC d.o.o. Kiseljak su unesene u sistem e-nabavki i zakazana je e-aukcija, koja je održana dana 03.02.2025. godine s početkom u 09:30 sati, i koja je trajala 50 (pedeset) minuta.

Ugovorni organ je od Agencije za javne nabavke zaprimio Izvještaj o toku i završetku e-aukcije i shodno kojoj je ponuđač BUCOMERC d.o.o. Kiseljak ponudio najnižu cijenu koja iznosi 233.000,00 KM (slovima: dvijestotinetridesettrihijade i 00/100 konvertibilnih maraka) bez PDV-a.

Rangiranje prihvatljivih ponuda prema kriteriju za izbor ponude, nakon provedene e-aukcije je kako slijedi:

R. Br.	Naziv i sjedište ponuđača	Ukupna ponudena cijena bez PDV-a	Ukupna ponudena cijena sa PDV-om	Procentualno umanjnje cijene nakon provedene e-aukcije*
1.	BUCOMERC d.o.o. Kiseljak	233.000,00 KM	272.610,00 KM	26,32 %
2.	DINALSA d.o.o. Sarajevo	233.900,00 KM	273.663,00 KM	24,67 %
3.	AME d.o.o. Breza	268.650,00 KM	314.320,50 KM	14,96 %

\* Označava približnu vrijednost procentualnog umanjnja nakon zaokruživanja na dvije decimale.

Komisija za javne nabavke roba, radova i usluga je jednoglasno predložila Općinskoj načelnici da u skladu sa odredbama člana 64. stav (1) tačka b) Zakona o javnim nabavkama donese Odluku o izboru najpovoljnijeg ponuđača, te da se ponuđaču BUCOMERC d.o.o. Kiseljak dodijeli Ugovor, čija ponuda je ocijenjena kao najpovoljnija, na osnovu kriterija najniža cijena, a po provedenoj e-aukciji, u ukupnom iznosu ponude od 272.610,00 KM (dvijestotinesedamdesetdvijehiljadeseststotinadeset i 00/100 konvertibilnih maraka) sa PDV-om.

Općinska načelnica je saglasna sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove


tel: (387 33) 492 112, fax: (387 33) 492 145, email: zajednickiposlovi@novosarajevo.ba  
Identifikacioni broj: 4200558710008 PDV broj: 200558710008 Porezni broj: 0170333000  
Depozitni račun 1411965320011288 Bosna Bank International d.d.



Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka. Naknada za pokretanje žalbenog postupka plaća se u korist budžeta institucija Bosne i Hercegovine i međunarodnih obaveza Bosne i Hercegovine, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH („Službeni glasnik BiH“ broj: 61/24).

**OPĆINSKA NAČELNICA**

**Prof. dr. Benjamina Karić**



**DOSTAVLJENO:**

- AME d.o.o. Breza
- BUCOMERC d.o.o. Kiseljak
- DINALSA d.o.o. Sarajevo
- ADO-TRANS d.o.o. Visoko

*Općina Novo Sarajevo, ulica Zmaja od Bosne br. 55, centrala telefon (387 33) 492 100  
Služba za zajedničke poslove*

*tel: (387 33) 492 112, fax: (387 33) 492 145, email: zajednickiposlovi@novosarajevo.ba  
Identifikacioni broj: 4200558710008 PDV broj: 200558710008 Porezni broj: 0170333000  
Depozitni račun 1411965320011288 Bosna Bank International d.d.*

